

Հ. Լ. Ղազյան

ԽԱԼԻՍԵԻ ԻՆՍՏԻՏՈՒՏԸ ԺԱՄԱՆԱԿԱԿԻՑ ԻՐԱՆՈՒՄ

1957 թ. նոյեմբերին իրանական Մեջլիսի ֆինանսների և գյուղատնտեսության հանձնաժողովների միացյալ նիստը հաստատեց մի օրինագիծ, որի նպատակն էր մասնավոր անձանց վաճառել պետությանը պատկանող հողերը։ Իրանում գոյություն ունեցող հողատիրության ձևերից մեկը հանդիսանում է պետական հողատիրությունը՝ խալիսեն։

Հողային սեփականության այդ ձևը կոչվում է խալիսե կամ, ափելի ճիշտ, «խալիսեջաթե դովլաթ» (خالدات دولت) — պետական խալիսեն (այն պատճառով, որ դրանք միայն ու միայն պետության սեփականությունն են և դրանցից ստացվող ամբողջ եկամուտը պատկանում է պետությանը)։

Պետական հողային սեփականության ինստիտուտը երկար ժամանակ համառորեն պաշարում էր մասնավոր հողատիրության դեմ։ խալիսե հողերի մասսան մերթ աճում էր, մերթ նվազում՝ նայած տնտեսական և քաղաքական իրադարձություններին։

Համաձայն իսլամի շարիաթի դոգմաների, առանձին մարդիկ չեն կարող հողի սեփականատեր լինել։ հողը պատկանում է աստծուն, իսկ քանի որ երկրում նրան փոխարինողը չաֆն է, ապա և հողը կարող է պատկանել միայն շիաների համայնքին և նրանց գլխում կանգնած շահին։

Դեռևս 1853 թ. Կ. Մարքսը Ֆ. Էնգելսին դրած իր մի նամակում, անդրադառնալով Ֆրանսուա Բերնիեի գրքից ստացած իր տպավորություններին, նշում էր, որ Բերնիեն, խոսելով Թուրքիայի, Իրանի և Հնդկաստանի մասին, Արևելքի բոլոր հողային կարգի հիմքը «իրավացիորեն» այն է համարում, որ այնտեղ գոյություն չունի հողի մասնավոր սեփականություն։ Եւ է իսկական բանալին նույնիսկ արևելյան երկրների նկատմամբ։

Արևելքում իշխող հողատիրության մասին Մարքսը «Կապիտալ»-ում գրել է. «Պետությունն այստեղ գերազույն հողատերն է։ Գերիշխանությունն այստեղ ազգային մասշտաբով համակենտրոնացված հողային սեփականությունն է։ Բայց այս դեպքում ոչ մի մասնավոր հողային սեփականություն չկա, թեև կա հողի ինչպես մասնավոր, այնպես էլ համայնական տիրում ու օգտագործում»։

Հողի նկատմամբ պետության սեփականատիրական իրավունքի առկայության պարագայում համայնական հողատիրությունը հակադրվում էր խոշոր մասնավոր հողատիրությանը, բայց ոչ որպես միայն հողօգտագործման իրավունք ունեցող մի ինստիտուտ, այլ մի ինստիտուտ, որն իր մեջ պարունակում էր թեև հողօգտագործման և թեև հողը տնօրինելու իրավունքը։ Հենց այդ

1 Կ. Մարքս, Ֆ. Էնգելս, Հատընտիր նամակներ, հատ. I, էջ 91։

2 Կ. Մարքս, Կապիտալ, հատ. III, 2-րդ մաս, էջ 329։

պատճառով էլ, արտաքուստ, Իրանում մասնավոր հողատիրություն չէր կարող լինել, միայն հողի տերը՝ շահը իրավունք ուներ հողը վարձով տալ որևէ մեկին և դրա դիմաց շարիաթի օրենքների համաձայն ստանալ համապատասխան հարկ:

Բայց այս բոլորը միայն ծնում էր շարիաթի սահմաններում: Իրականություն մեջ դրությունը միանգամայն այլ էր:

Իշխանությունը փաստորեն գտնվում էր տեղական ղեկավար պաշտոնյաների և հողի խոշոր վարձակալների ձեռքում, որոնք իրենց տրամադրություն տակ ունեին նաև զինված ուժեր, և չնայած իրավաբանորեն հողը պատկանում էր պետությանը, բայց փաստորեն նրան տիրում էին խաները: Տեղական իշխանությունները և խոշոր վարձակալները չէին ենթարկվում կենտրոնական կառավարությանը, որի հետևանքով էլ ժամանակի ընթացքում նրանք փաստորեն զավթեցին իրենց տրամադրության տակ եղած հողերը և ժառանգաբար դարձան կալվածատերեր:

Պետությունը հողերից գանձվող իր հարկերը ապահովելու համար աստիճանաբար սկսում է հաճախակի խախտել շարիաթի օրենքները և խոշոր վարձակալներին հողը իրենց ժառանգներին փոխանցելու իրավունքի փաստաթղթերի տալ, կամ էլ զանազան «փիշքաշներ» (նվերներ) ստանալով՝ օրինականացնել ուրիշներից բռնագրավված հողերի յուրացումը: Բայց ժամանակի ընթացքում այս ինքնատիպ հողատիրությունը, մի քայլ ևս առաջ դնելով, ձեռք բերեց հողը օտարելու իրավունք:

Այսպիսով՝ հող ձեռք բերելու մրցավազքը հասցրեց այն բանին, որ տեղի ունեցավ հողերի արտակարգ կուտակում առանձին մարզկանց ձեռքում. խաները վերածվեցին խոշոր հողատերերի: Օրինակ՝ Նասր էդ-Ղին շահի եղբայր՝ Ջիլ օլ-սուլթանի ունեցվածքը Իսֆահանի նահանգում հաշվվում էր մոտ 50 միլիոն թուման¹: Նրա գյուղերի թիվը հասնում էր երկու հազարի՝ մոտ մեկ միլիոն բնակչությամբ, իսկ Սադրազամ Աթաբեկը ուներ մոտ 1200 գյուղ²:

XIX դարը հանդիսանում է իսալիսների աստիճանական լիկվիդացման շրջան. լիկվիդացիայի պրոցեսը պայմանավորված էր օտարերկրյա կապիտալի մուտքով և Իրանի կիսագաղութացումով: 1889 թվականին Նասր էդ-Ղին շահը հատուկ ղեկրեստով լիկվիդացրեց պետական տնտեսությունները և բաժանեց յաժըր գներով, այսինքն՝ ապագա 15 տարվա հարկերի գանձումով, վաճառեց հողերը մասնավոր անձանց: Նասր էդ-Ղին շահի մինիստր Ամին օլ-սուլթանի կողմից համապատասխան հրամաններ արվեցին հողերի այդ փոխանցումների մասին: Այդ իսալիսները հալտնի դարձան որպես «իսալիսեջաթե էնթեղալի» (خالصيات انتقالي — փոխանցելի իսալիսներ): Նոր տերերը կարող էին իրենց սեփականությունը դարձած հողերը փոխանցել իրենց ժառանգներին, բայց իրավունք չուներին այն վաճառել որևէ երրորդ անձնավորության: Նրանից հետո իսալիս հողերի տարածությունը բավական նվազեց:

1906 թ. կոնստիտուցիայի հաստատման ժամանակ զոլություն ունեցող իսալիս հողերը, ըստ իրենց ծագման, բաժանվում էին երեք խմբի. առաջին՝

¹ ملکزاده تاریخ انقلاب مشروطیت ایران جلد دوم ص ۲۶۳. Խալեք-զադե, Իրանի սահմանադրական ուղեցուցիչի պատմությունը, Թեհրան, 1950, հատ. 2, էջ 263:

² Амлет, Мамед Али шах. Александрополь, 1900, стр. 133.

Նաղիրյան հողային գրանցումներ (դաֆթարն ոողրեյե Նաղիրի دفتر رقبه نادری), որոնց մեջ մտնում էին Նաղիր շահի օրոք (1736—1747) բռնագրավված հողերը. երկրորդ՝ մոհամեդշահյան հողային գրանցումներ (դաֆթարն ոողրեյե մոհամեդի — دفتر رقبه محمدی) (1834—1848) և երրորդ՝ Նասիրյան հողային գրանցումներ (դաֆթարն ոողրեյե Նասիրի — دفتر رقبه ناصری) (1848—1896)։ Վերջին երկու խմբերի մեջ մտնում էին այն հողերը, որոնք բռնագրավվել էին հարկեր չվճարելու դիմաց և այլ պատճառներով։ Այդ հողերը մեծ մասամբ պետություն կողմից չէին կառավարվում։ Դրանց մի մասը ցամաք կամ ավելի կարճ ժամկետով փոխանցելու իրավունքով տրված էր առանձին մարզկանց։ Այդպիսի հողերը հայտնի են դառնում «խալիսեջաթե էնթեղալի» կամ «վագուզարի» (փոխանցելի խալիսեներ — خالصات انتقالي با واگذاری) անունով։ Կոնստիտուցիայի հաստատումից հետո, 1325 (1907—1908) թ. կիրառված առաջին միջոցառումներից մեկը կոնվերսիոն տարիֆի վերացումն էր «խալիսեջաթե վագուզարի»՝ փոխանցելի խալիսենների նկատմամբ, որի հետևանքով զգալի չափով աճեցին նատուրալ և կանխիկ ձեռքով գանձվող եկամուտները։

Նախնի մյուս ձևը «խալիսեջաթե թիուլին» (خالصات بیوی) էր, խալիսեններ, որոնք տրվել էին որպես թիուլ՝ մեծ մասամբ զինվորական կամ այլ պետական ծառայությունների դիմաց։ Այս տիպի խալիսենները հատկապես քոչվոր ցեղերի բնակելի շրջաններում էին տարածված։ Վերջապես կալին նաև դիվանի խալիսեններ (خالصات دیوانی)։ Դրանք այն հողերն էին, որոնք ամբողջությամբ մտնում էին պետության տրամադրության տակ՝ հակառակ փոխանցելի խալիսեններին։

Նախնի հողերից ստացված եկամուտների մասին կարելի է գաղափար կազմել հետևյալ փաստից։ Միլիսպոն, խոսելով Ռիզա շահի իշխանության սկզբում այդ հողերի դրուժյան մասին, գրում է, որ դրանք իրենցից ներկայացնում էին լեռնաշխարհի և բազմաթիվ գյուղեր, ցանքատարածություններ և արտադրարարներ, տարածված երկրի բոլոր մասերում, որոնց տարեկան արտադրանքը ներկա պայմաններում կազմում էր ավելի քան 12 միլիոն դրանք¹։

Ռիզա շահը իր իշխանության տարիներին անդրադարձավ նաև խալիսե հողերի հարցին։ Ռիզա շահի ագրարային միջոցառումները ուղղված էին կալվածատիրական հողատիրության ամրապնդման և օրինականացման նպատակին։ Հետևաբար խալիսե հողերի վերաբերյալ հրատարակած օրենքները, որոնց մասին մենք այժմ հանգամանորեն լիքուսենք, նույնպես պիտի դիտել այդ սանկյունից։

Որո՞նք էին այդ օրենքները։ 1927 թ. վերջերին պետական հողերը վաճառելու վերաբերյալ մի օրենք հրատարակվեց, որի ներածականում ասվում էր. «Կառավարության կարծիքով պետական կալվածքների կառավարումը պետության կողմից, կամ նրանց վարձով տալը, այնքան էլ օգտավետ և նպատակահարմար չէ, որքան նրանց տիրումը և շահագործումը մասնավոր անձանց կողմից»։ Ելնելով դրանից, օրենքի առաջին հոդվածը ֆինանսների մինիստրությանը թույլատրում էր պետական հողերը, իրենց ջրի ակունքներով

¹ A. C. Millspaugh, The Financial and Economic situation of Persia, Imperial Persian Government, Washington, 1920, page 36.

հանգերձ վաճառել իրանական հպատակներին, բացառելով հողերի որոշ կատեգորիաներ, որոնք պետական նշանակություն ունեին:

Օտարված պետական կալվածքների հարկերի մասին հրապարակված 1928 թ. օրենքը մասնավոր անձանց սեփականություն համարեց այն կալվածքները, որոնք շարունակարար գտնվում էին այդ մարդկանց ձեռքում վերջին 30 տարիների ընթացքում, անկախ թե կառավարությունը հավակնություններ ուներ այդ հողերի նկատմամբ, թե ոչ, և այն կալվածքները, որոնք 20 տարիների ընթացքում գտնվել են մասնավոր անձանց ձեռքում և այդ ժամանակամիջոցում կառավարությունը ոչ մի ձևով չի միջամտել այդ հողերի կառավարման գործին:

Այնուհետև 1931 թ. մի օրենք անցկացվեց, որն առանձին մարդկանց թույլ էր տալիս գնել փոխանցելի խալիսեները: Այս օրենքի համաձայն, հողն օգտագործողը, վճարելով տասն տարվա սեփական, կարող էր հողի սեփականատերը դառնալ:

Խալիսե հողերի վաճառքի վերաբերյալ Ռիդա շահի միջոցառումները մինչև իսկ այն դեպքերում, երբ նա այս կամ այն նպատակով աշխատում էր զարգացնել մանր հողատիրությունը, երկրում գոյություն ունեցող կարգերի հետևանքով դատապարտվում էին անհաջողության և հողերը անցնում էին խոշոր կալվածատերերի ձեռքը: Երա լավագույն օրինակն է հանդիսանում Սիստանի պետական հողերի վաճառքի պատմությունը:

1932—1933 թթ. որոշում կայացավ Սիստան նահանգի խալիսե հողերի վաճառման մասին: Այդ բանում կառավարությունը մասնավորապես շահագրգռված էր այն պատճառով, որպեսզի այդ անմարդարենակ վայրերը բնակելի դարձնելով ամրացնի Ավղանիստանի սահմանամերձ շրջանները: Ամբողջ հողը բաշխվեց առանձին բաժինների՝ ամեն մեկը 36 հազար քառակուսի զարի (կամ դազի) չափով: Այնուհետև մեկից հարյուրքսան բաժին կադմոդ հողամասեր տրվեցին գյուղացիներին, սարդարներին (տեղի ցեղապետներին) և այլ մարդկանց, նախած հողը մշակելու նրանց հնարավորությունը: Պետությունը ամեն մի բաժնից տարեկան գանձում էր 50 ուիալ: Յուրաքանչյուր գյուղացու միջին թվով հասավ մոտավորապես 4 հեկտար հող: Եւ տեղեց 4—5 տարի: Տեղի ունեցան մեծ թվով բռնադրավումներ և այլն: Կառավարությունը, 1937 թ. հունիսին չեղյալ համարելով նախկին հողարժանույնները, նոր հրաման արձակեց, որի համաձայն Սիստանի խալիսե հողերը պիտի բաշխվեին նորից 36 հազար քառակուսի դազ տարածություն ունեցող բաժինների: Հրամանում նշված էր, որ յուրաքանչյուր բաժնի վրա կարելի էր ցանել տարեկան 600 կիլո ցորեն զու ալեշիս հիման վրա, որը նշանակում էր հողի կեսը թողնել չցանված: Ամեն մի բաժնի գինը որոշվեց 500 ուիալ, եթե վճարվեր միանվագ և կանխիկ կամ 800 ուիալ, եթե վճարվեր 10 տարում: Տասը բաժնից ավելի հող կարելի էր վաճառել միայն այն անձանց, ովքեր արդեն մշակում էին տասը բաժնից ավելի:

Հողերի վաճառքը կատարվում էր գյուղատնտեսության մինիստրության Սիստանի պաշտոնյաների միջոցով: Հենց սկզբից տեղի ունեցան բազմաթիվ խախտումներ և բռնադրավումներ, հատկապես պետական պաշտոնյաների կողմից: Բողոքների քանակը աճեց չափերի հասավ, որ 1939—1940 թթ. ֆեյնանսների մինիստրությունը ստիպված եղավ միջամտել և մի հանձնաժողով

նշանակել տեղում խնդիրը ստուգելու համար: Բայց այդ հանձնաժողովի աշխատանքներից արդյունք չստացվեց, և Ռիզա շահը հրամայեց մի նոր հանձնաժողով կազմել, ֆինանսների, արդարադատության, ներքին և պատերազմական մինիստրությունների ներկայացուցիչներից, ամբողջ պրոցեսը վերանայնելու համար: Ռիզա շահի նշանակած այդ հանձնաժողովը առաջարկեց Սիստանի խալիսե հողերը բաժանել հինգ հեկտարանոց մասերի և վաճառել տեղի բնակիչներին, յուրաքանչյուր հեկտարը 250 ուիալով՝ 10 տարվա վճարման ժամկետով, կամ 160 ուիալով, եթե վճարվի կանխիկ և անմիջապես: Հանձնաժողովը առաջարկեց նաև ստեղծել Սիստանի զարգացմանը նպաստող մի ընկերություն, որի կապիտալի կեսը պետք է ներդնեն մասնավոր անձինք: 1941 թվականին դրությունն էլ ավելի վատացավ և գյուղացիները մասսայաբար սկսեցին հեռանալ Սիստանից, մասամբ թողնելով իրենց երկիրը և գաղթել Ավղանիստան:

1941 թ. ապրիլին մի նոր հանձնաժողով ուղարկվեց Սիստան, որն իր գեկուցադրում դատապարտեց մանր հողատիրությունը, պատճառաբանելով, որ Սիստանի բնակչությունը քիչ է, գյուղացիները տղետ են և չունեն անհրաժեշտ կապիտալ ու միջոցներ և այլն: Հանձնաժողովը հայտարարեց, որ գյուղացիներին պետական վարկեր բաց թողնելը կիրառելի չէ, այլ պետք է վարկեր բաց թողնել խոշոր կալվածատերերին, որպեսզի նրանք ալգիններ տնկեն, գյուղատնտեսության մեխանիզացիա մտցնեն և այլն: Հանձնաժողովը առաջարկեց, որ Սիստանի խալիսե հողերը վաճառվեն ամբողջ գյուղերով կամ խոշոր կտորներով և ոչ թե փոքր հողատիրներով՝ ինչպես կատարվել էր մինչև այդ և այն էլ ոչ անպայման տեղի բնակիչներին:

1944 թ. հունիս-հուլիս ամիսներին մի նոր գեկուցում ներկայացվեց կառավարությանը՝ ֆինանսների և գյուղատնտեսության մինիստրության կողմից: Ձեկուցման մեջ նշվում էր, որ սկսած 1938—1939 թթ. 179 կտոր հողամաս վաճառվել է կանխիկ և 25 083 հողամաս ժամկետային կարգով: Հողերի այդ վաճառքից ստացվել էր ընդամենը 8 548 708 ուիալ: Մոտ 441 հողամաս տրվել էր օգտագործման՝ արտադրանքից պետությունը համապատասխան բաժին հատկացնելու պայմանով, որը կոչվում էր պետական կալվածատիրական բաժին (բահրեյե մալիքանեյե դավլաթի — بهر مالکانه دولتی):

Իսկ ի՞նչ ստացվեց հողերի այդ բաժանումից: Սիստանի խալիսե հողերի բաժանման այս ամբողջ պատմությունը ցույց է տալիս, որ գյուղացիներին հող տալու քողի տակ, ինչպես միշտ, օգտվեցին նորից խոշոր հողատերերը, ֆեոդալներն ու պետական պաշտոնյաները. այս են ապացուցում նաև ամերիկյան տխրահռչակ 4-րդ կետի «օգնություն» Իրանի ներկայացուցիչ Հարիսի հեռակալ խոսքերը, որ Սիստանում «հողը աստիճանաբար անցավ ցեղապետների և մյուս հզոր հողատերերի ձեռքը»¹: Անգլիացի չամբտոնը գրում է. «Ճընշման ու կաշառքի գործադրումով գյուղացիները ուժեղ կերպով էքսպրոպրիացիայի ենթարկվեցին. հաճախ միջամտությունը ջրի բաշխման գործին և ջուր կտրելը գյուղացու հողը դարձնում էր անարժեք: Հող ունեցող գյուղացին, այսպիսով, ստիպված էր լինում վաճառել իր հողը ցածր գնով, կամ թե բացարձակապես լքել հողը, որը հետո բռնագրավվում էր: Բացի այդ, 1948 թ.

¹ „Foreign Agriculture“, 1953 feb., page 34.

երբ երկրում սուլ էր տիրում, բաժինները վաճառվում էին նոմինալ ղենով: Ջանազան դեպքերի ծախսման հետևանքով Սիստանի հողերի մեծ մասը նորից գտնվում է խոշոր կալվածատերերի ձեռքում¹:

Ուալիսե հողերի վաճառքի տեսակետից չատ կարևոր են նաև հետևյալ օրենքները: 1934 թ. իրանական կառավարությունը նոր, հատուկ օրենք հրատարակեց խալիսե հողերի վաճառքի մասին: Մեջլիսի 1934 թ. հունվարի 7-ի նիստում հանդես գալով օրենքի վավերացման օգտին, ֆինանսների մինիստր Դավարը հայտարարեց. «Պետք է նկատի ունենալ այն նպատակը, որ մենք հետապնդում ենք այս օրինագիծը ներկայացնելով... Առաջինը գյուղատնտեսական բանկին կապիտալ տրամադրել, երկրորդ պետական կալվածքները տալ մասնավոր մարդկանց, որպեսզի դրանք ավելի բարեկարգ վիճակում լինեն: Այս երկու նպատակները իրականացնելու համար կառավարությունը ավելի լավ եղանակ չի տեսնում: Թե բնակչության որ խավերին պիտի վաճառվեն հողերը, երևում է պրեմիեր մինիստր Ֆորուգիի ելույթից, որն Մեջլիսում օրենքը վավերացնելու ժամանակ հայտարարեց. «Այս հարցը վերաբերում է մանր հողատերերին: Ես միանգամայն համաձայն եմ, որ պետք է խրախուսել մանր հողատերերին և որ, ընդհանրապես, ավելի լավ կլինի եթե մանր հողատերերը երկրում մեծամասնություն կազմեն... Բայց դա, իհարկե, չի նշանակում, թե խոշոր կալվածատերերը օգուտ չեն բերում... չի կարելի վերջնականապես եզրակացություն գալ, թե որոնք են ավելի օգտավետ՝ մանր հողատերերը, թե խոշոր կալվածատերերը...: Ինչպես հայտնի է բոլորին, մանր հողատերերը հանդիսանում են բնակչության ամենապահպանողական խմբից մեկը: Երա՛հմար էլ պետք է ունենալ նաև խոշոր հողատերեր, որոնք կարող են կիրառել գյուղատնտեսական ժամանակակից մեթոդներ: Նույն միտքը արտահայտեց նաև Դավարը. «Ինչ վերաբերում է այս կալվածքները խոշոր հողատերերի ձեռքը անցնելու հարցին, ապա այդ կարելի է միայն ողջունել: Ինչ ֆիսա կարող է լինել այն բանից, որ այդ կալվածատերերը վարկեր ստանան և հող տանեն իրենց կալվածքների բարեկարգման մասին: Մյուս կողմից էլ դա չի անդրադառնա մանր հողատերերի դրության վրա»²:

Օրենքով սահմանված վաճառքի պայմանները և գինը ցույց է տալիս, որ պետական հողերը կարող էին դնել կամ հարուստ կալվածատերերը, կուլակները, կամ խոշոր առևտրականները, բայց ոչ միջակ գյուղացիությունը, էլ չենք խոսում չքավորի մասին: Ինչ պայմաններ էր սահմանում այդ օրենքը: Օրենքի 4-րդ հոդվածում ասվում էր. «10 հազար ուիլից պակաս գին ունեցող պետական կալվածքները կվաճառվեն կանխիկ: Մյուս պետական կալվածքները կարելի է վաճառել տարածամեկետումով, ընդ որում վճարման ժամկետը չպիտի լինի ավելի քան հինգ տարի, այն պայմանով, որ գնի առնվազըն մեկ քառորդը վճարվի կանխիկ և այն էլ լինի ոչ պակաս, քան 10 հազար ուիլա»³: Այս պայմաններից պարզորեն երևում է, որ գյուղացիության լայն մասաները հույս անդամ չէին կարող ունենալ հող ձեռք բերելու համար:

¹ A. K. S. Lambton, *Landlord and Peasant in Persia*, London, 1953, page 252.

² (اگر) «Իրան», 1934, հունվարի 7:

³ Օրենսդրական 9-րդ նստաշրջանի սահմանած և վավերացրած օրենքների ժողովածու: معجزة قوانین موضوعه و مستلزمه مصوبه دوره نهم تفهیمه.

Այդ օրենքի հետևանքով վաճառված պետական հողերի քանակը երևում է աճի փաստից, որ 1315 (1936—1937) թ. պետական բյուջեում խալիսե ջաթե էնթեղալի հողերի վաճառքից ստացված եկամուտը 2 միլիոն ուիալ է ցույց տրված¹։ Պետական հողերի վաճառքից գյուղացիական հոծ մասսաների բաժին չստանալը ավելի վառ կերպով է արտահայտում 1937 թ. նոյեմբերի օրենքը՝ Թեհրանի շրջակայքի խալիսե հողերի վաճառման մասին։ Այդ օրենքի 3-րդ հոդվածում ասվում է, որ 550 հազար ուիալ կամ պակաս գին ունեցող բոլոր պետական կալվածքները կվաճառվեն կանխիկ, մյուս պետական կալվածքները կարելի է վաճառել տարածամեծությամբ, ընդ որում վճարման ժամկետը չպիտի լինի ավելի քան հինգ տարի, աճի պայմանով, որ գնի առնվազն մեկ քառորդը վճարվի կանխիկ և աճի էլ լինի ոչ պակաս, քան 50 հազար ուիալ²։ Կալվածքի նվազագույն գինը սահմանվում էր 10 անգամ ավելի, քան երեք նախորդ տարիների տարեկան միջին բերքի արժեքի չափը։

Այս ձևերով Ռիզա շահի միապետությունը ընդարձակում էր կալվածատիրական հողատիրությունը, ապահովելով պետական հողերի անցումը միայն ֆեոդալ-կալվածատերերի ձեռքը։ Վերջին օրենքը հրատարակվելու ժամանակ միայն Թեհրանի շրջակայքում կալին ավելի քան 200 խալիսե գյուղեր, որոնցից մոտ 150-ը վաճառվեց։

Պետական հողերի վաճառման նշված օրենքների հետևանքով Իրանական Ադրբեջանի, Արաքի, Սորաստանի և Քուրդիստանի պետական հողերի մեծ մասը վաճառվեց կալվածատերերին։

Այստեղ անհրաժեշտ է նշել, որ բացի պետական հողերի վաճառքի տենդենցից, տեղի էին ունենում նաև հակառակ երևույթներ։ Ռիզա շահի թագավորության սկզբի տարիներին պետության կենտրոնացման համար մղված պայքարի ընթացքում հսկա քանակությամբ հողեր բռնագրավվեցին կենտրոնախույս և խոտվարար ֆեոդալներից, խաներից և այլն։ Այդ թվում ընդարձակ կալվածքներ Սուզիստանում՝ Շեյխ Սադալից, Քուրդիստանում և Մակվում՝ Ամիդլից։ Որոշ դեպքերում բռնագրավված հողերի դիմաց կալվածատերերին նոր հողեր էին տրվում երկրի այլ մասերում։ Այդ բռնագրավումները կոչվում էին պարզորեն թողիֆ (توقیف)՝ կալանք, այսինքն հարկերի չվճարման դիմաց կատարված բռնագրավումներ, որպեսզի լուրջ բռնագրավումների (մոսադեր-րե — مصادره) բնույթ չկրի։

Այժմ տեսնենք ինչքան տարածություն էին կազմում պետական հողերը, որքան էր նրանց տեսակարար կշիռը երկրի ընդհանուր վարելահողերի ֆոնդում, և վաճառքի այդ ոգաշահյան օրենքների կիրառումից հետո ինչքան պետական հողեր մնացին։

1930-ական թվականներին պետական՝ խալիսե հողերի քանակի մասին կարելի է պատկերացում ունենալ հետևյալ աղյուսակից։ Նշենք Իրանի մի քանի նահանգներում խալիսե հողերի քանակը.

Ադրբեջան 360 գյուղ 5527 գյուղից, կամ 6,5 տոկոս.

Մաղենդարան 96 գյուղ 1236 գյուղից, կամ 7,8 տոկոս.

¹ A. K. S. Lambton, Landlord and Peasant in Persia, London, 1953, page 240.

² Օրենսդրական 11-րդ նսաաշրջանի սահմանած և վավերացրած օրենքների ժողովածու, էջ 2։ مجموعہ قوانین موضوعه و مسائل مصوبه ده. ۵. بازدهم آستان قدس ص ۲

Քերմանշահ 79 գյուղ 540 գյուղից, կամ 14,6 տոկոս.

Թեհրան 175 գյուղ 1216 գյուղից, կամ 14,3 տոկոս.

Քաշան 52 գյուղ 170 գյուղից, կամ 35,8 տոկոս.

Աստարաբադ 103 գյուղ 275 գյուղից, կամ 37,4 տոկոս.

Սիստան 170 գյուղ 170 գյուղից, կամ 100 տոկոս¹:

Մ. Քեյխանը իր «Իրանի ընդարձակ աշխարհագրությունը» գրքում գրում է, որ 30-ական թվականներին գրանցված խալիսե գյուղերի թիվը 1345 էր: Բայց դա ամբողջ խալիսեի ընդհանուր պատկերը չէր, այլ միայն այն մասը, որը գյուղերի սահմանների մեջ էր մտնում: Օրինակ՝ Խուզիստանում, հարավի նավահանգստներում, Գոմում, Մահալաթում, Աստարաբադում, Դիլանում և Սեմնանում պետությունը ընդարձակ հողեր ունի, որոնք դրա մեջ չեն մտնում:

Վաճառքի օրենքները կիրառվելու հետևանքով վերոհիշյալ և ուրիշ նահանգների բազմաթիվ խալիսե հողերից, Ռիդա շահի գահընկեցությունից հետո, 1941 թ. մնացել էր ընդամենը 816 գյուղ: Այդ գյուղերը իրենց ծագումով բաժանվում էին երեք խմբի: Առաջին՝ կենտրոնախույս խոտավարար ֆեոդալների հողերը, որոնք խլվել էին նրանց ձեռքից, իրենց շրջանում նրանց ազդեցությունը չեզոքացնելու համար. ինչպես, օրինակ՝ Իսմայիլ Սմիդկոյի հողերը՝ Մակում, Նաիր Հուսեյին Քաշանի հողերը՝ Քաշանում: Երկրորդ՝ պետության դանձարանին պարտք ունեցող կալվածատերերի բռնադրաված հողերը. այդ թվում հարկեր հավաքող բայց դանձարան չմուծող նահանգապետների կալվածքները. և երրորդ՝ ժառանգ չունեցող ֆեոդալական արիստոկրատիայի հողերը, ինչպես, օրինակ՝ պետական հողերի նշանակալից մի մասը կազմող Հաջի Միրզա Աղասու հողերը:

Խալիսե հողերի քանակը բավականին աճեց Ռիդա շահի գահընկեցությունից հետո, որովհետև նրա ամբողջ հողային սեփականությունը անցավ պետությանը և մտավ խալիսե հողերի ֆոնդի մեջ: Այսպիսով պետական գյուղերի թիվը դարձավ 8841, որից 8025-ը շահի նախկին կալվածքներն էին: Իսկ ինչպես էր շահը ձեռք բերել այդ կալվածքները:

Ներկայումս Իրանի ամենախոշոր կալվածատերերը Իրանի շահ Մոհամեդ Ռիդա Փահլավին է: Այդ հողերը նա ժառանգաբար ստացել է իր հորից՝ Ռիդա շահից: Շահի հողերը ոչ մի կապ չունեն նախկինում Իրանում եղած դիվանի, կամ արքունի հողային ինստիտուտի հետ. այլ այդ կալվածքները ամբողջովին ձեռք են բերվել Ռիդա շահի օրոք: Հայտնի է, որ երբ Ռիդա խանը 1925 թ. գահ բարձրացավ, ոչ մի հողային սեփականություն չունեի, բայց երբ 1941 թ. գահընկեց արվեց, նա Իրանի ամենախոշոր կալվածատերն էր: Ռիդա շահը իր այդ հսկայական կալվածքները ձեռք էր բերել տարբեր եղանակներով: Նախ, իր իշխանությունն ակզրում, երբ պայքար էր մղում կենտրոնախույս ֆեոդալների դեմ, այդ ֆեոդալների ոչնչացումով նրանց հսկայական հողերը բռնադրավեց: Այնուհետև նա մեծ կալվածքներ ստացավ, այսպես կոչված, «փիշ-

¹ «Материалы по национально-колониальным проблемам», сборник № 34, М., 1936, стр. 121.

² Մ. Քեյխան, Իրանի ընդարձակ աշխարհագրություն, մաս 3, տնտեսություն, էջ 86: «د کیهان جغرافیای مفصل ایران قسمت ۳ اقتصادی ۱۳۱۱ ص ۸۶»

³ «اطلاعات» (Երթնամար), 1940, 24 հունիսի:

քաշի» ձևով, երբ այս կամ այն կալվածատերը այնպիսի դրուժյան մեջ էր դրվում, որ ստիպված էր լինում իր կալվածքներից որևէ մեկը «նվեր» տալ շահին: Այդ մասին վկայում է մինչև իսկ տխրահռչակ Միլիսպոն. «Ռիզան, — գրում է նա, — սկսում է գյուղեր ստանալ որպես «նվեր», «նվերներ», որոնք տրվում էին կամ հարկադրանքից կամ էլ վախից»¹: Այնուհետև, պետական-խալիսի հողերը մասնավոր անձանց վաճառելու ժամանակ, գնման անվան տակ այդ հողերի նշանակալից մասը վերցրեց ինքը՝ Ռիզա շահը: Ռիզա շահի ամբողջ հողային սեփականության մեջ նշանակալից տեղ էին գրավում հենց այդ, այսպես կոչված, «գնված» խալիսի հողերը: Պաշտոնական տվյալների համաձայն Ռիզա շահը իր թագավորության տարիներին Ֆինանսների մինիստրությանից «գնեց»՝ Քերմանում 133 գյուղ, Քերմանշահում 142 գյուղ, Սոբհասան/Բոջնուդում 128 գյուղ, Բարոլի և Ամոլի շրջաններում 106 գյուղ և, վերջապես, մոտ 750 արոտավայր Բարոլում: Բացի այդ, Ռիզա շահը Ֆինանսների մինիստրությանից «գնեց» այն մասնավոր հողերը, որոնք բռնագրավվել էին պետության կողմից և փոխհատուցվել մասամբ պետական հողերով՝ Բարոլում և Ամոլում 108, Վարամինում 3, Քերմանում 6 գյուղ, և 375 արոտավայր Բարոլի և Ամոլի շրջաններում: Ռիզա շահը մեծ կալվածքներ ձեռք բերեց նաև կալվածատերերից, հողեր «գնելով»: Պաշտոնական տվյալներով Ռիզա շահը կալվածատերերից մանր հողատերերից և բանկային հիմնարկներից «գնեց» 6 246 գյուղ, մշակելի հողամասեր և արոտավայրեր Մաղենդարանում, Սոբհասանում, Քերմանշահում, Վարամինում, Սոուջրուդում, Դեմավենդում և Ղազվինում²: Հատկապես Մաղենդարանի նահանգի հողերի մեծ մասը դարձավ Ռիզա շահի սեփականությունը: Ընտիր կալվածքներ ձեռք բերելու համար Ռիզա շահը կիրառում էր նաև մի ուրիշ մեթոդ, երբ կալվածատերերին ստիպում էր իրենց կալվածքները «փոխել» երկրի մի ուրիշ մասում գտնվող կալվածքի հետ: Օրինակ, Մաղենդարանի շատ կալվածատերեր ստիպված եղան իրենց ընտիր հողերը տալ շահին և դրա դիմաց այլ հողեր ստանալ երկրի ուրիշ նահանգներում:

Բոլոր այս հողերը գրանցվեցին որպես Ռիզա շահի անձնական սեփականություն և կոչվեցին ամլաքե շահ (املاک شاه): Այսպիսով, Ռիզա շահը բռնագրավեց և լուրացրեց հսկայական տարածությամբ հողեր Մաղենդարանում, Սոբհասանում, Կենտրոնական Իրանում և դարձավ երկրի ամենախոշոր կալվածատերը: Նշենք թեև, որ միայն Սոբհասանում շահի ունեցած կալվածքները գնահատվում էին մոտ 250 միլիոն ռիալ: Նա տիրում էր մոտ մեկ միլիոն հեկտար անտառի և որպես անտառի սեփականատեր «հավանաբար խոշորագույնն էր աշխարհում»³:

Պաշտոնական տվյալների համաձայն Ռիզա շահի գահընկեցության ժամանակ նրան էին պատկանում 8 025 կալվածքներ⁴:

¹ A. C. Millspaugh, *Americans in Persia*, Washington, 1946, page 25.

² (اطلاعات) «Էթթեկաթ», 1946, հունիսի 24:

³ «Middle East Journal», 1952, № 3, page 229.

⁴ (اطلاعات) «Էթթեկաթ», 1946, հունիսի 23: Մոսադդիկը 1953 թ. նոյեմբերին իր դատավարության ժամանակ ասաց, որ այդ կալվածքները 5600 են եղել: Հավանաբար նա նկատի է ունեցել միայն գյուղերը և հաշվի չի առել անտառներն ու արոտավայրերը և այլն: (اطلاعات) «Էթթեկաթ», 1953, նոյեմբերի 10:

Իր այդ կալվածքները կառավարելու համար Ռիզա շահը ստեղծել էր մի հսկա ապարատ, որը կոչվում էր էզարեյե ամլաք (عزادیه املاک)։ Այդ ապարատը կառավարում էին նրա կողմից նշանակված զենեբալները և ուրիշ պաշտոնյաներ։ Ռիզա շահի կալվածքներում փաստորեն իշխում էր ճորտային ռեժիմը։ Շարաթ լիս ոչ պա՛լաս քսն կեսը պուղացիները անվարձ կերպով, վուղ լուսարացիք մինչև ուշ երեկո աշխատում էին շահի հողերում, ստիպված իրենց տնտեսությունների ավելցուկները բավական ցածր գներով տալիս էին շահին և կատարում էին բազմաթիվ այլ պարտավորություններ։ Գյուղացու ինքնակամ հեռացումը շահի հողից համարվում էր պետական հանցանք։ Կալվածքների կառավարչի հրամանները ժամանակին չկատարելու համար գյուղացիներին ծեծում էին, կամ էլ բանտերը նետում։ Բնորոշ է նշել թեկուզ այն, որ Ռիզա շահը Մազենդարանի մշակելի հողերից վերցնում էր բերքի մեկ երրորդ մասը և ամեն մի շարիբից 12—15 թուման, այն ժամանակ, երբ մյուս կալվածատերերը ամեն մի օարիբից դանձում էին 5 թուման։ Հետաքրքրական է, որ մինչև իսկ Միլիսպոն ստիպված է խոստովանել, որ Ռիզա շահը դաժանորեն շահագործում էր գյուղացիներին...»¹։

Ռիզա խանը,— գրում է Ջեդդե էսթեմար՝ իրանական թերթը,— քսան տարի շարունակ երկրում դողուժվամբ և թալանով էր դրադված։ Իրանի վարելահողերի մի ընդարձակ մասը սվինի ուժով տիրացավ և նրանից ստացած տասնյակ միլիոն եկամուտը օտարերկրյա բանկերը փոխադրեց²։ Միայն օտարերկրյա բանկերում նրա ունեցած հարստությունը կազմում էր մոտ 20 միլիոն դոլլար³։

Ռիզա շահի կողմից բռնագրավված այդ հողերը, նրա գահընկեցությունից հետո, 1941 թ. անցան նրա որդուն՝ Մոհամեդ Ռիզային, որը ներկայումս Իրանի շահն է։ Ռիզա շահի նկատմամբ ժողովրդական զայրույթը այնքան ուժեղ էր, որ նոր շահը այդ հողերը ձեռքից չտալու համար, 1941 թ. սեպտեմբերի 21-ի հրամանով, ամբողջ իր կալվածքները փոխանցեց պետությանը⁴։ Այդ հողերը կառավարելու համար ֆինանսների մինիստրությունում հատուկ վարչություն ստեղծվեց։ Քանի որ այդ կալվածքները շահի կողմից պետություն էին տրվել, ապա նախկին տերերի մեջ հույսեր առաջացան վերականգնելու իրենց սեփականատիրական իրավունքները։ 1942 թ. հունիսի 2-ին Մեջլիսը մի օրենք անցկացրեց այդ հողերը նախկին տերերին վերադարձնելու մասին։ Ըստ այդ օրենքի արդարադատության մինիստրության մեջ հատուկ մարմին ստեղծվեց գիմուֆները և սեփականատիրական հավակնությունները քննարկելու և բավարարելու համար։ Այդ կալվածքները, որոնք հայտնի դարձան որպես ամլաքե վագուդարիյե Փահլավի (املاک، اقداری، واهو)՝ բաժանվեցին չորս կատեգորիայի. առաջինը այն հողերը, որոնք գնվել էին նախկին տերերից 10 հազար ռիալից ավելի գնով. երկրորդ՝ այն հողերը, որոնք փոխանակվել էին երկրի ուրիշ շրջաններում գտնվող կալվածքների հետ, երրորդ՝ այն հողերը, որոնք ուղղակի բռնագրավվել էին, և չորրորդ

¹ A. C. Millspough, *Americans in Persia*, Washington, 1946, page 25.

² (ضد استعمار) «Ջեդդե էսթեմար», 1952, օգոստոսի 17։

³ A. C. Millspough, *Americans in Persia*, Washington, 1946, page 34.

⁴ (کوشش) «Քուշեշ», 1942, հունվարի 27։

ալին հողերը, որոնք գնվել էին նախկին տերերից 10 հազար ռիալից պակաս գնով: Երրորդ և չորրորդ կատեգորիայի հողերից շատերը վերադարձվեցին իրենց նախկին տերերին, պաշտոնական հրամանով կամ առանց հրամանի: Եթե հրաման տրված լիներ, ապա հողը դուրս էր գրվում շահի կալվածքների ընդհանուր ցուցակից, իսկ եթե առանց հրամանի էր, ապա հարցը շարունակվում էր դատարանում քննվել, չնայած որ, փաստորեն, նախկին տերը արդեն վերականգնել էր սեփականությունը: Բայց եթե հետագայում դատարանը վճռեց, որ ի ֆյաս կալվածատիրոջ, ապա ոչ միայն այդ հողը նրանից հետ պիտի վերցվեր, այլև պիտի գանձվեր այն ամբողջ եկամուտը, որ կալվածատերը ստացել էր փաստորեն հողը վերստանալուց մինչև դատարանի վճիռը: Ըստ օրենքի, առաջին և երկրորդ կատեգորիայի հողերի հարցը պետք է քննարկվեր դատարանում: Եթե դատարանը որոշեր հօգուտ շահի, ապա կալվածքը դադարում էր խալիսե: Մոտ 170 հարց դատարանում լուծվեց հօգուտ շահի: Երկրորդ կատեգորիայի կալվածքների նկատմամբ հարց ներկայացնելու դեպքում պահանջվում էր, որ նախկին տերը փոխարինարար ստացած կալվածքը իր արամադրություն տակ ունենար, այսպես դիմումը քննարկման ենթակա չէր կարող լինել¹: Մինչև 1944 թ. կալվածքները հետ պահանջելու կապակցությամբ ներկայացվել էին մոտ 9 հազար դիմումներ²: Իրենց կալվածքները հետ էին պահանջում նաև ալին կալվածատերերը, որոնց հողերը բռնագրավվել էին ֆինանսների մինիստրության կողմից և հետո վաճառվել շահին: Այդ դիմումները նույնպես երկար տարիներ քննվում էին դատարանում:

Մոսկով շահի կողմից կալվածքները պետությունը փոխանցելու և նախկին տերերին վերադարձնելու դատական պրոցեսների մասին, իրանական «Բանդե մարդում» թերթը գրում է. «Շահի վարի երեքից հետո (1941 թ. օգոստոս 25) նոր շահը ժողովրդական ճնշման ներքո և միևնույն ժամանակ դեմագոգիայի նպատակով հոր կալվածքները պետությանը հանձնեց, որպեսզի քննելուց և գինը ստանալուց հետո իսկական տերերին վերադարձվեն: Չնայած այդ կալվածքները մոտ 8 տարի պետության տրամադրության տակ մնացին և երկար ու լայն դատարաններ ու բազմաթիվ հիմնարկներ զբաղված էին դիմումների քննումով, այդուհանդերձ այդ բռնագրավված հողերից միայն մի քանի կտոր վերադարձվեցին իսկական տերերին, իսկ մնացածը մնաց պետության ձեռքում...»³:

1949 թ. շահը, երկրում տիրող ոնակցիայի պայմաններում իրեն ամուր զգալով՝ Մեջլիսում մի օրենք անցկացրեց (1949 թ. հուլիս 11), որի համաձայն կալվածքները վերադարձվում էին շահին, որպես Փահլավի ընտանիքի վակֆ: Այդ հողերը պետք է կառավարվեին, այսպես կոչված, «էդարեյն ամլաքե մուկաֆեյն Փահլավի» (اداره املاك موقوفه پهلوی), այսինքն Փահլավի վակֆային կալվածքների կառավարչության կողմից, իսկ եկամուտները պետք է հատկացվեին «բարեգործական» նպատակների: Համաձայն այդ օրենքի շահին վերադարձվող կալվածքների տարածությունը կազմում էր մոտ 2 միլիոն ջարիր (ջարիրը հավասար է 1400 քառ. մ), որի վրա աշխատում էին մոտ 250 հազար

¹ A. K. S. Lambton..., page 257.

² (ایران) «Իրան», 1944, մայիսի 31:

³ (بانك مردم) «Բանդե Մարդում», 1953, մայիսի 13:

գյուղացիներ¹։ Այդ կալվածքները, ըստ որոշ աղբյուրների, 12 միլիոն ստերլինգ արժողությամբ ունեին²։ Իսկ կալվածքներից ստացված եկամուտների մասին ստույգ տեղեկություններ չկան, քանի որ շահի պալատը ամեն զնով թաքցնում էր այդ։ Բայց համաձայն Թեհրանում ամերիկյան դեսպանության կցորդ Գեդեոն Հադարիի տվյալների, 1949—1950 թթ. այդ հողերից ստացված ընդհանուր եկամուտը եղել է 737 միլիոն ռիալ, որից գյուղացիների բաժինը կազմել է ընդամենը 157 միլիոն ռիալ։ Բացի այդ անտառներից և թփուտներից ստացված եկամուտը կազմում էր մոտ 40 միլիոն ռիալ, որը հավասար բաժանվում էր կալվածքների կառավարչության և գյուղատնտեսական մինիստրության անտառային վարչության միջև³։

Վերջին տարիներին շահը ձեռնամուխ եղավ իր կալվածքների վաճառքին, որին մենք կանդրադառնանք մի այլ առիթով։

Հետպատերազմյան տարիներին կառավարությունը մի քանի օրենքներ հրատարակեց ֆնացած խալիսե հողերի վաճառքի համար. օրինակ՝ Գավամ էս-Սալթանեն մի օրենք հրատարակեց 1946 թ. հուլիսի 6-ին և երկու լրացումներ՝ 1946 թ. հուլիսի 13-ին և նոյեմբերի 3-ին. մի այլ օրենք էլ Մեջլիսը անցկացրեց 1949 թ. հուլիսին։ Բայց այդ օրենքները ֆնացին թղթի վրա և եթե մի քանի վաճառքներ եղան, ապա դրանք, ինչպես խոստովանում է 1948—1950 թթ. Թեհրանում ամերիկյան դեսպանության կցորդը. «...այնպիսի հողաշերտեր էին, որոնք սպեկուլյատիվ արժեք ունեին, և պրոյեկտը ոչ մի օգտո չտվեց գյուղացիներին»⁴։ Վերջապես 1955 թ. Ջահեդիի կառավարությունը մի օրենք ներկայացրեց Մեջլիսին՝ խալիսե հողերի վաճառքի վերաբերյալ։ Այդ օրենքը ներկայացնելուց առաջ, բացի շահի հողերից, Իրանի խալիսե հողերը 1954 թ. ներկայացնում էին հետևյալ պատկերը։ Ըստ նույն ամերիկյան աղբյուրի, պետական հողերի տարածությունը բաժանված էր 1800 միավորի, որի վրա բնակվում էին մոտ 750 հազար հոգի։ Երա մեկ երրորդ մասը Ահվազի շրջանում էր⁵։ Այս տվյալները մոտավորապես համընկնում են իրանական աղբյուրների տվյալներին։ Իրանական պաշտոնական «Էթթե-լ-աաթ» թերթի հաղորդման համաձայն պետական կալվածքների թիվը հասնում էր 1786-ի, որի մեծ մասը Իրանական Ադրբեջանում, Խորասանում, Սիստանում, Արևմտյան Բլուջիստանում և Թեհրանի շրջակայքում էր գտնվում⁶, 1946 թ. Ֆոնդի համեմատ պետական հողերը այսպիսի աճ ունեցան, որովհետև շահի կալվածքների մի մասը ֆնաց խալիսեի ֆոնդում։

Այժմ մի քանի խոսք խալիսե հողերի շահագործման եղանակների մասին։

Իրանում խալիսե կամ պետական հողերը մինչև վերջերս գտնվում էին

¹ Այդ մասին 1954 թ. վերջին շահը հայտարարեց ԱՄՆ-ում (اطلاعات) «Էս. թերաթ», 1954 թ. հեկտ. 18։ Ամերիկյան «Middle East Affairs», 1954, vol. V, № 10, page 314-ը գրում է. որ կալվածքների տարածությունը 750 հազար ակր է, որը իրիդացիայով կարելի է հասցնել մինչև 1,25 միլիոն ակրի, և որ այդ կալվածքներում աշխատում են մոտ մեկ միլիոն գյուղացիներ։

² «Industry and Labour», 1951 Aug. vol. VI, № 3, page 138.

³ «Middle East Journal», 1951, № 2, page 186.

⁴ Նույն տեղում, էջ 181։

⁵ Նույն տեղում, էջ 185—186։

⁶ (اطلاعات) «Էթթերաթ», 1953, նոյեմբերի 4։

Ֆինանսների մինիստրություն մի հատուկ ղեկավարամենախի և նահանգներում Ֆինանսական վարչությունների բաժանմունքների տրամադրության տակ: Միայն 1955 թ. հունվարին Ջահեդիի կառավարությունը այդ հոգերի տնօրինումը վերանայեց գյուղատնտեսական մինիստրությունը: Այդ հոգերը 'Իսլամի կամ Մալիյե (دارای با مالیه) կոչվող տեղական ֆինանսական մարմինների կողմից վարձով էին տրվում խոշոր և մանր կալվածատերերին, չինովնիկներին կամ առևտրականներին, որոնք հաճախ անձամբ չմշակելու ղեկավար իրենց հերթին վարձով էին տալիս ուրիշներին¹:

Խալիսի հոգերի վարձակալության մասին խիստ կարգ մտցվեց 1930 թ. 1930 թ. ապրիլի 20-ին ֆինանսների մինիստրությունը մի նոր շրջաբերականով խստորեն պարտադրեց բոլոր համապատասխան ֆինանսական օրգաններին պետական հոգերը վարձով տալ: Այդ շրջաբերականում ասվում էր. «Կառավարության սրճան համաձայն կարգադրվում է առկա բոլոր պետական կալվածքները և գույքը վարձով տալ այնպիսի պայմաններով, որ վարձակալը բոլոր ծախսերը իր վրա վերցնի»:

Կանոնադրության կարևոր կետերը հետևյալներն էին.

1) Ժամանակավոր օգտագործման տակ գտնվող և վարձով չտրված բոլոր պետական կալվածքների (խալիս) համար պետք էր աճուրդ հայտարարել: Վարձակալության նվազագույն ժամկետը երեք տարի էր, իսկ առավելագույնը 10 տարի:

2) Վարձակալը պետք է մի հաստատուն երաշխավոր ներկայացներ:

Կանոնադրության 13-րդ կետում ասվում էր, որ այդ շրջաբերականը չի վերաբերում Թեհրանի և Սիստանի խալիսի հոգերին:

Գյուղացիները ֆինանսների վարչությունից հողը վարձում են երկու ձևով. Վարձակալությունը լինում է կամ մեկ տարով, կամ երկարատև ժամկետով (3—5 տարով), որը հաճախ մնում է նաև ժառանգաբար:

Խալիսի հոգերը սուբարենդային պայմանով կալվածատերերին է տրվում երկու եղանակով. կամ աճուրդով հողի եկամուտը ստանալու իրավունքն է վարձով տրվում 3—5 տարի ժամկետով, կամ էլ բերքը նախապես վաճառվում է գնահատելուց հետո:

Խուլիստանում ներկայումս բավական խալիսի հոգեր կան Շուշարի և Ահվազի միջև ընկած տերիտորիայում, 'Իաշթե Միշանում, Խոռամշահ-Արաղանի շրջանում, Ջուղամշում և 'Իջլուբում՝ 'Իլդֆուլի շրջանում: Հինդիջանում կառավարությունն ինքն է մշակում հողը, իսկ մյուս վայրերում վարձով է տալիս: Որոշ մարզերում վարձի գումարը սահմանվում է ամեն տարի մոմայիդի՝ գնահատողի կողմից: Ահվազի մոտ գտնվող Գուլթ Սրդուլահում 1945 թ. կալվածատերերին տրվող խալիսի հոգերի վարձակալության պայմանները հետևյալներն էին. առաջին չորս տարում կառավարությունը ոչ մի բան չի պահանջում, երրորդ չորս տարում կառավարությունը վերցնում է ամբողջ բերքի 3 տոկոսը, երրորդ չորս տարում՝ 10 տոկոսը, չորրորդ չորս տարում՝ 12 տոկոսը և հինգերորդում՝ 15 տոկոսը: Վարձակալը պարտավորվում է առաջին չորս տարվա ընթացքում մի ջրապոմպ կառուցել և ոռոգման միջոցով հողը մշակելի դարձնել²: Ինչպես տեսնում ենք, պայմանները բավականին թեթև են,

¹ „Middle East Journal“, 1951, № 2, page 186.

² A. K. S. Lambton..., page 254.

որը հնարավորություն է տալիս վարձակալ-կալվածատիրոջը հսկայական եկամուտներ ստանալ, քանի որ այդ նույն հողը մշակող գյուղացին ստիպված է վարձակալին տալ ամբողջ բերքի 60—80 տոկոսը: Իրանական պաշտոնական «էթթեկաթ» թերթը հաշվել է, որ ամեն մի հեկտարից բերքը կազմում է ընդամենը կես տոննա, որի տոննան 2600 ուիալ հաշվելով, կազմում է 1300 ուիալ: Այդ գումարից կալվածատերը գանձում է 950 ուիալ, իսկ գյուղացուն փնում է հեկտարից ընդամենը 350 ուիալ:

Շատ ծանր է նաև Բլուջիստանի խալիսե հողերում աշխատող գյուղացի-նեբի դրությունը: Բլուջիստանի Իրանշահրում և Էամփուրում խալիսե 22 գյուղեր կան, իսկ ընդամենը 8 գյուղ, որոնք մինչև վերջերս վարձով էին տրվում, իսկ այժմ կառավարությունը ինքն է ղեկավարում: Թե ինչ դրություն է տիրում այդ գյուղերում, կարելի է հասկանալ «էթթեկաթ»-ի հետևյալ հաղորդագրությունից: «Գյուղացիներն ընդհանրապես անկարագրելի թշվառ և չքավոր վիճակում են ապրում, այնպես որ տարվա ընթացքում 6 ամիս խոտ են ուտում, կամ էլ մի քիչ արմավ և արմավի կորիզ, չարենակիցներին և հարդելի ընթերցողներին տեղյակ պահելու համար ստիպված ենք բաց անել այն իրականությունը, որ բլուջիցից շատերը սաստիկ թշվառություն և չքավորության հետևանքով, կին ու տղամարդ նախամարդկանց և Աղամ-Եվալի պես մերկ են ապրում անապատներում»:

Բացի վարելահողերից, երկրի մի շարք շրջաններում, հատկապես Սիստանում և Ադրբեջանում պետությունն ունի նաև արոտավայրեր: Սիստանում անասնապահները իրենց հոտերը արածացնում էին պետական արոտավայրերում և վճարում էին հակ-օլ-մարթա (արածացնելու վարձ)՝ լուրաքանչլուր գյուլի անասունին 2 ուիալ: 1946 թ. հետո այդ արոտավայրերը բռնագրավվեցին տեղական սալդարեկի կողմից, որոշ դեպքերում էլ ֆինանսների մի նիստությունը դրանք մշակելի դարձնելու նպատակով վարձով տվեց: Ռենտան նշանակվեց բերքի $\frac{1}{8}$ մասը: Բայց այդ հողերը չմշակվեցին, և ոռոգման էլ չվճարվեց: Վարձակալները, փոխանակ ըստ պայմանագրի հողը մշակելու, ավելի մեծ ոռոգումով, որպես արոտավայր, վարձով տվեցին անասնապահներին, այն պարագայում, երբ պետությունը շարունակում էր անասնապահներից լուրաքանչլուր գյուլի անասունի համար 2 ուիալ գանձել:

Ադրբեջանում Սահանդ լեռան փեշերի, Մուղանի դաշտի և այլ արոտավայրերը խալիսե են և շահսեանների յեյլաղն ու կիշլաղն են կազմում: Կառավարությունն այդ արոտավայրերը կամ վարձով է տալիս, կամ էլ հակ-օլ-մարթա (արածացնելու վարձ) է գանձում:

* * *

Ինչպես տեսնում ենք, ժամանակակից Իրանում խալիսե հողերը չնչին տարածություն են ներկայացնում: 1957 թ. Նոյեմբերին հաստատված պետական հողերի վաճառքի կանոնադրության իրականացումով խալիսեի ինստիտուտը վերջնականապես կլիկվիդացվի Իրանում:

¹ (اطلاعات) «էթթեկաթ», 1953, հունիսի 16:

² Նույն տեղում, սղոստոսի 9: